


Casa Museo Otero Pedrayo
Sede Fundación Otero Pedrayo



PREMIO ANUAL OTERO PEDRAYO PARA ESTUDANTES DE ESO E BACHARELATO


5/3/1888	10/4/1976	30/10/1920	9/12/1929
nacemento de Otero Pedrayo	pasamento de Otero Pedrayo	1º número da revista Nós	ingreso na RAG

A Fundación Ramón Otero Pedrayo convoca o Premio Anual para alumnado de ESO e bacharelato correspondente ao curso 2021-2022 para contribuir ao coñecemento da personalidade do escritor e a perpetuar a súa memoria e obra entre as mozas e mozos galegos.

1930	25/7/1950	5/3/1958	1979
publicación de <i>Arredor de sí</i>	fundación Editorial Galaxia	derradeira lección na USC	creación Fundación Otero Pedrayo



PREMIO ANUAL
OTERO PEDRAYO
PARA ESTUDANTES
DE ESO E BACHARELATO
CURSO
2021-2022



PREMIO ANUAL OTERO PEDRAYO PARA ESTUDANTES DE ESO E BACHARELATO

BASES

PARTICIPANTES

Poderá participar calquera estudante ou grupo de estudantes de educación secundaria obrigatoria ou bacharelato, matriculados en calquera centro de Galicia no presente curso académico.

CATEGORÍAS E FORMAS DE PARTICIPACIÓN

Tendo en conta que o escritor é materia de estudo na educación secundaria obrigatoria e no bacharelato, concederanse os seguintes premios:

Categoría individual:

Premio ao mellor traballo escrito ou audiovisual realizado por estudantes da ESO.

Premio ao mellor traballo escrito ou audiovisual realizado por estudantes de bacharelato.

Categoría de grupo:

Premio ao mellor traballo escrito ou audiovisual realizado por estudantes da ESO.

Premio ao mellor traballo escrito ou audiovisual realizado por estudantes de bacharelato.

PREMIO

O premio individual consistirá nun ordenador portátil e o premio de grupo nunha viaxe de estudos dunha xornada de duración, na que se abordarán contidos relacionados coa Xeración Nós e na que participará o grupo-aula gañador e ata tres docentes que colaborasen con este.

Ademais, o profesorado, en representación dos centros premiados, recollerá unha colección de libros para a biblioteca do centro e un diploma acreditativo.

TIPO DE TRABALLOS

Traballos escritos: deberán estar redactados en lingua galega e presentaranse en soporte impreso e dixital, a dobre espazo, letra Arial 10 e cunha extensión máxima de 15 folios, incluídos gráficos, debuxos, imaxes e calquera outro material que se considere pertinente.

Traballos audiovisuais (vídeo, podcast etc.): non deben superar os 20 minutos (incluídos os títulos de crédito) e empregarán unicamente a lingua galega. Entregaranse gravados en soporte electrónico seguindo as indicacións do punto seguinte.

De ser o caso, o centro deberá contar coa autorización de uso da imaxe persoal das persoas participantes no traballo e nos labores de difusión en webs, redes sociais etc., con fins educativos. Así mesmo, as imaxes, música ou textos empregados nos traballos deberán ser orixinais, estar libres de dereitos de autoría ou ter licenza de uso para este fin.

FORMA DE PARTICIPACIÓN

Os traballos enviaranse por correo certificado á Fundación Otero Pedrayo, Casa Museo Otero Pedrayo, Cima de Vila, s/n, 32172 Trasalba, Amoeiro, Ourense. Irán sen asinar, identificados cun lema ou pseudónimo e acompañados dun sobre pechado, que no exterior mostrará o mesmo lema ou pseudónimo e no interior incluírá un papel no que se fará constar o nome completo do centro educativo, o nome e apelidos do participante ou participantes no traballo e un teléfono móbil e correo electrónico de contacto.

Os traballos audiovisuais enviaranse nun soporte dixital (CD, DVD ou USB) en formato mp3 ou mp4 e identificados do mesmo modo que os escritos.

PRAZO DE PARTICIPACIÓN

O prazo para a presentación dos traballos rematará o 15 de xaneiro de 2022. Os premios outorgaranse nos 30 días seguintes e a decisión do xurado comunicaráselles telefónicamente aos centros gañadores ese mesmo día. A continuación, publicaranse nos medios de comunicación de toda Galicia. As persoas galardoadas recollerán o seu premio en Trasalba o día 5 de marzo de 2022, data conmemorativa do nacemento de Otero Pedrayo.

XURADO

O xurado estará formado por cinco personalidades de recoñecido prestixio. Os nomes destas persoas faranse públicos unha semana despois de rematar o prazo de entrega dos traballos. A súa decisión será inapelable. O premio poderá quedar deserto.

MÁIS INFORMACIÓN: no teléfono 988 281 139 ou no correo: fundacion.otero.pedrayo@gmail.com